



XUNTA DE GALICIA

CONSELLERÍA DE POLÍTICA
SOCIAL

CONVENIO DE COLABORACIÓN ENTRE A CONSELLERÍA DE POLÍTICA SOCIAL E A FUNDACIÓN ESPAÑOLA DE AXUDA Á INVESTIGACIÓN EN PÁRKINSON, PARA O FINANCIAMENTO DOS PROXECTOS DE INFORMACIÓN, DIVULGACIÓN E SENSIBILIZACIÓN SOCIAL E CAPTACIÓN DE FONDOS PARA O DESENVOLVEMENTO DA LABOR INVESTIGADORA E DO SEU MANTEMENTO PARA O EXERCICIO 2018.

Santiago de Compostela, - 4 DEC. 2018

REUNIDOS

Dunha parte:

Dona Fabiola García Martínez, na súa condición de conselleira de Política Social, nomeada polo Decreto 98/2018, do 26 de setembro, en uso das facultades que lle veñen atribuídas no artigo 34 da Lei 1/1983 do 22 de febreiro, de normas reguladoras da Xunta e da súa Presidencia, así como no Decreto 88/2018, do 26 de setembro, polo que se establece a estrutura orgánica da Xunta de Galicia, no Decreto 176/2015, de 3 de decembro, polo que se establece a estrutura orgánica da Consellería de Política Social e no establecido no Acordo do Consello da Xunta de Galicia, do 27 de marzo de 1991.

Doutra parte:

Don Alberto Amil Lago, con DNI 32663277B, como presidente do Patronato da Fundación Española de Axuda á Investigación en Pákinson (en adiante FUNDACIÓN), con CIF G56031859, en virtude da súa condición de representante dela, de acordo co establecido nos seus Estatutos.

Interveñen en función dos seus respectivos cargos e no exercicio das facultades que para convir no nome das entidades que representan teñen conferidas e,

EXPOÑEN

I. Que as Administracións Públicas poden celebrar convenios de colaboración con outras administracións ou entes de dereito público e con persoas físicas ou xurídicas ao abeiro do disposto na Lei de contratos do sector público e na Lei 9/2007, do 13 de xuño, de subvencións de Galicia.

II. Que a Comunidade Autónoma de Galicia, segundo o establecido no artigo 27.23 do Estatuto de Autonomía de Galicia, en consonancia coa habilitación competencial outorgada ás Comunidades Autónomas polo artigo 148.1.20 da Constitución española, ten competencia exclusiva en materia de asistencia social, polo que, na súa virtude se aprobou a Lei 13/2008, do 3 de decembro, de servizos sociais de Galicia.

III. Que a Consellería de Política Social é o departamento da administración autonómica ao que lle corresponde as competencias en materia de servizos sociais, e consecuentemente a atención do colectivo de persoas con discapacidade, conforme ao Decreto 88/2018, do 26 de setembro, polo que se establece a estrutura orgánica da Xunta de Galicia e no Decreto 176/2015, de 3 de decembro, polo que se establece a



curamos el
parkinson
Fundación Española de Ayuda a la
Investigación en Parkinson
POLÍGONO RÍO DO POZO
AVENIDA DOS FERREIROS 5-7
15573 - NARÓN - LA CORUÑA
G-56031859





estrutura orgánica da Consellería de Política Social.

IV. Que a FUNDACIÓN, ten por finalidade, segundo o establecido nos seus estatutos, promover a investigación científica no ámbito do Párkinson, as enfermidades neurodexenerativas relacionadas e as neurociencias en xeral, ademais de fomentar o intercambio de información entre expertos, pacientes e as súas familias para mellorar a calidade de vida das persoas afectadas.

V. Que actualmente faise preciso establecer medidas de apoio orientadas ao desenvolvemento do tecido asociativo integrado polas entidades que traballan na atención ás persoas con discapacidade, dado que desenvolven unha importante labor complementaria á financiada a través dos recursos da administración pública.

Conforme ao exposto, é do interese da Consellería de Política Social subscribir un convenio de colaboración coa FUNDACIÓN para contribuír ao financiamento dos programas desenvoltos no exercicio 2018 e co seu mantemento.

VI. Que conforme aos requisitos previstos no artigo 19.4 c) da Lei 9/2007, do 13 de xuño, de subvencións de Galicia, e no 36 c) do Decreto 11/2009, do 8 de xaneiro, polo que se aproba o Regulamento da Lei 9/2007, a FUNDACIÓN é a única entidade de iniciativa social que desenvolve un programa de información, divulgación e sensibilización social sobre a enfermidade do Párkinson dirixida a pacientes e familiares, así como a captar fondos que permitan desenvolver a labor investigadora sobre esta enfermidade.

Así mesmo, as actuacións obxecto deste convenio, recollidas na súa cláusula primeira; a súa adecuación ao ámbito competencial da Consellería de Política Social previsto no Decreto 176/2015, de 3 de decembro e no seu artigo 20, onde se describen as competencias da Dirección Xeral de Maiores e Persoas con Discapacidade; e as específicas necesidades inherentes ao colectivo ao que van dirixidas, considéranse razóns que acreditan o seu interese social.

Por todo o exposto, as partes comparecentes, na representación que ostentan,

ACORDAN

Subscribir un convenio de colaboración para levar a cabo os proxectos desenvoltos pola FUNDACIÓN no exercicio 2018, en orde ás seguintes

CLÁUSULAS

PRIMEIRA: Obxecto

O obxecto do presente convenio é contribuír ao financiamento por parte da Consellería de Política Social da Xunta de Galicia no mantemento da FUNDACIÓN e dos seus programas de comunicación e presentación e captación de fondos, con relación a enfermidade de Párkinson desenvoltos no exercicio 2018.

SEGUNDA.- Actuacións subvencionables

— Mantemento da estrutura e funcionamento ordinaria da Fundación para a

curemos el
párkinson
Fundación Española de Ayuda a la
Investigación en Párkinson
POLÍGONO RÍO DO POZO
AVENIDA DOS FERREIROS 5-7
15573 - NARÓN - LA CORUÑA
G-56031859





XUNTA DE GALICIA

CONSELLERÍA DE POLÍTICA
SOCIAL

adecuada execución das actividades e proxectos organizados e desenvoltos no exercicio 2018.

— Programa de comunicación: información, divulgación e sensibilización social:

- Desenvolvemento da páxina web, redes sociais e foro da comunidade
- Dar a coñecer e posicionar a Fundación como referente científico e técnico en España na investigación da enfermidade do Párkinson.
- Proxecto divulgativo sobre a enfermidade de Párkinson: proxecto “Coñece o Párkinson”, ferramenta destinada a difundir información sobre a enfermidade, diagnóstico, tratamentos, coidados, avances e información requirida polos pacientes e as súas familias.

— Programa de presentación da Fundación e plan de captación de fondos. Actuacións a desenvolver para presentar a Fundación e as súas actividades co obxecto do desenvolvemento da labor investigadora que supoña un avance na enfermidade, detección e curación no ámbito da investigación clínica e biomédica.

A FUNDACIÓN terá que cumprir os requisitos do artigo 10 da Lei 9/2007, do 13 de xuño, de subvencións de Galicia, e do Decreto 11/2009, do 8 de xaneiro, polo que se aproba o Regulamento da Lei 9/2007.

TERCEIRA: Orzamento

Para o cumprimento da finalidade prevista na cláusula primeira deste convenio a Consellería de Política Social achegará trinta mil euros (30.000,00 €) que serán imputados á aplicación orzamentaria 12.04.312E.481.1 dos orzamentos xerais da Comunidade Autónoma de Galicia para o ano 2018.

CUARTA.- Obrigas da entidade

A FUNDACIÓN deberá cumprir todas as obrigas previstas no artigo 11 da Lei 9/2007, do 13 de xuño e deberá cumprir todos os requisitos necesarios para obter a condición de beneficiario ou entidade colaboradora previstos no artigo 10 da Lei 9/2007; do 13 de xuño, sen prexuízo de todo o anterior, tamén deberá cumprir as obrigas seguintes:

1. Realizar a actividade ou adoptar o comportamento que fundamenta a concesión da subvención.
2. Acreditar a realización da actividade, así como o cumprimento dos requisitos ou das condicións que determinaron a concesión da axuda. O cumprimento desta obriga de xustificación realizarase nos termos previstos no artigo 28 da Lei 9/2007, do 13 de xuño e no artigo 30 da Lei 38/2003, do 17 de novembro, na normativa regulamentaria de desenvolvemento e no disposto nas bases reguladoras ou nos instrumentos de concesión.
3. Someterse ás actuacións de comprobación que deba efectuar o órgano concedinte, así como calquera outra comprobación e control financeiro que poidan realizar os órganos de control competentes, tanto nacionais coma comunitarios e achegar canta

curemos el
párkinson
Fundación Española de Ayuda a la
Investigación en Párkinson
POLÍGONO RÍO DO POZO
AVENIDA DOS FERREIROS 5-7
15573 - NARÓN - LA CORUÑA
G-56031859





XUNTA DE GALICIA

CONSELLERÍA DE POLÍTICA
SOCIAL

información lle sexa requirida no exercicio das actuacións anteriores.

4. Comunicarlle á entidade concedinte a obtención de subvencións, axudas, ingresos ou recursos que financien as actividades subvencionadas. Esta comunicación deberá efectuarse tan pronto como se coñeza e, en todo caso, con anterioridade á xustificación da aplicación dada aos fondos percibidos.

5. Dispoñer dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario en cada caso, así como cantos estados contables e rexistros específicos sexan esixidos polas bases reguladoras das subvencións, coa finalidade de garantir o adecuado exercicio das facultades de comprobación e control.

6. Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.

7. Proceder ao reintegro dos fondos percibidos nos supostos previstos nos artigos 32 e 33 da Lei 9/2007, do 13 de xuño.

8. A FUNDACIÓN adquire os compromisos e obrigas de dar a axeitada publicidade do carácter público do financiamento das actividades obxecto do presente convenio, en cumprimento do establecido no artigo 15.3 da Lei 9/2007 e incluír en todas as actividades obxecto do convenio, en lugar visible, a publicidade e información de: "financiado pola Consellería de Política Social".

9. Cumprir cantas outras obrigas se deriven da execución deste convenio.

Así mesmo, a entidade deberá cumprir a obriga de subministración de información nos termos establecidos no artigo 4 da Lei 1/2016, do 18 de xaneiro, de transparencia e bo goberno.

QUINTA.- Obrigas e documentación

En virtude do disposto na Lei 38/2003, do 17 de novembro, xeral de subvencións e no Real decreto 887/2006, do 21 de xullo, na Lei 9/2007, do 13 de xuño e no Decreto 11/2009, do 8 de xaneiro, a entidade beneficiaria presentará, con carácter previo á sinatura do convenio e xunto co programa de actividades a desenvolver, a seguinte documentación:

- Declaración comprensiva de todas as axudas e subvencións solicitadas ou concedidas para o mesmo proxecto, ou, de ser o caso, unha declaración de que non solicitaron nin percibiron outras axudas ou subvencións.
- Declaración responsable, subscrita polo representante da entidade, de non estar incurso nas prohibicións para obter a condición de beneficiaria de subvencións sinaladas nos apartados 2 e 3 do artigo 10 da Lei 9/2007, do 13 de xuño.

SEXTA.- Compatibilidade con outras axudas

A subvención prevista neste convenio non é compatible con outras subvencións,



curemos el
parkinson
Fundación Española de Ayuda a la
Investigación en Parkinson
POLÍGONO RÍO DO POZO
AVENIDA DOS FERREIROS 5-7
15573 - NARÓN - LA CORUÑA
G-56031859





XUNTA DE GALICIA

CONSELLERÍA DE POLÍTICA
SOCIAL

axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou de organismos internacionais.

SÉTIMA: Forma de pagamento

Respecto ao pagamento e forma de xustificación da subvención estarase ao disposto na Lei 38/2003, do 17 de novembro, no Real decreto 887/2006, do 21 de xullo, na Lei 9/2007, do 13 de xuño, e no Decreto 11/2009, do 8 de xaneiro. O libramento farase nunha conta corrente da que sexa titular a entidade beneficiaria nas seguintes condicións:

- a) Efectuarase un pagamento do 20 % da totalidade da subvención, con carácter de anticipo a conta da liquidación, unha vez asinado o presente convenio.
- b) O 80% restante farase efectivo unha vez rematadas tódalas actividades do convenio

Con carácter previo a calquera pagamento consultarase o cumprimento das súas obrigas tributarias e coa Seguridade Social e de non ter pendentes de pagamento débedas coa AEAT nin coa Administración Pública da Comunidade Autónoma de Galicia ou de ser debedor por resolución de procedemento de reintegro, tralo consentimento expreso da entidade (Véxase Anexo I). De non autorizar a consulta terá que achegar os certificados de cumprimento de obrigas tributarias previo a calquera pagamento.

Para a tramitación das condicións de pagamento previstas nos apartados anteriores, a entidade beneficiaria da subvención queda exonerada da constitución de garantía ao entrar no suposto previsto no artigo 65.4.f) do Decreto 11/2009, do 8 de xaneiro

OITAVA: Gastos subvencionables e documentación xustificativa

Son gastos subvencionables os que cumpran os requisitos fixados polo artigo 29 da Lei de subvencións de Galicia. Para estes efectos, considerarase gasto realizado o que foi efectivamente pagado con anterioridade á finalización do período de xustificación que remata o 10 de decembro de 2018.

Así mesmo, considerarase efectivamente pagado o gasto cando se xustifique o pagamento mediante extractos ou certificacións bancarias debidamente identificados, selados e asinados polo beneficiario. No suposto de que o xustificante do pagamento inclúa varias facturas, deberase xuntar unha relación delas. No suposto de facturas pagadas conxuntamente con outras non referidas ao proxecto subvencionado, a xustificación do pagamento débese realizar sempre mediante a achega do correspondente extracto bancario que irá acompañado dun dos seguintes documentos.- relación emitida polo banco dos pagamentos realizados, orde de pagamentos da entidade selada polo banco ou recibín do proveedor. Para gastos de escasa contía por importes inferiores a 1.000 euros poderase aceptar a xustificación do pagamento mediante recibín do proveedor.

Para os efectos de xustificación, a FUNDACIÓN remitirá á Dirección Xeral de Maiores de Persoas con Discapacidade da Consellería de Política Social, coa xustificación do emprego da totalidade do proxecto, e en todo caso con data límite do 10 de decembro de

curemos el
pákinson
Fundación Española de Ayuda a la
Investigación en Parkinson
POLÍGONO RÍO DO POZO
AVENIDA DOS FERREIROS 5-7
15573 - NARÓN - LA CORUÑA
G-56031859





2018:

a) Unha memoria final das actuacións desenvolvidas en execución deste convenio, con indicación das actividades realizadas, datas de inicio e finalización das mesmas, resultados obtidos e valoración cualitativa dos mesmos, nº de beneficiarios en cada actividade, e demais aspectos que se consideren relevantes.

b) Unha memoria económica xustificativa do custo das actividades realizadas, que conterá:

- Unha relación clasificada e debidamente agrupada dos gastos, con identificación do acredor e do documento, o seu importe, data de emisión e data de pagamento. No caso dos gastos realizados con medios ou recursos propios, indicaranse os criterios de repartición dos custos xerais e/ou indirectos incorporados na relación. Así mesmo nos gastos comúns a outras finalidades distintas a este convenio deberán establecer a porcentaxe destinada a este convenio.

- As facturas ou documentos de valor probatorio equivalente no tráfico xurídico mercantil ou con eficacia administrativa incorporados na relación a que se fai referencia no parágrafo anterior e a documentación acreditativa do pagamento. Nas facturas terán que facer referencia á imputación a este convenio.

- Xustificación expresa do gasto de persoal referida á mensualidade ou mensualidades polas que se solicita, acompañados dos xustificantes da transferencia ou cargo do banco correspondentes, que comprenderán:

- Relación nominal dos traballos/as que se inclúen como xustificación do programa subvencionado.
- Recibos de salarios
- Documentos TC1 e TC2 dos traballadores correspondentes aos meses imputados
- Impresos de liquidación nominal do IRPF (modelo 111 e 190)

Non serán subvencionables con relación aos gastos de persoal as liquidacións, complementos extrasalariais ou indemnizacións de fin de contrato. Tampouco serán subvencionables as vacacións pagadas, pero non gozadas, nin as horas extras ou traballos realizados fora da xornada habitual de traballo.

Nas baixas por incapacidade temporal e maternidade subvencionaranse os custos que ocasiona o traballador que substitúe ao traballador titular. No caso de que non se substitúa ao traballador titular, o importe non usado deberá reintegrarse na súa totalidade (excepto a liquidación das pagas extras cando o convenio colectivo de aplicación recolla para este suposto a obrigatoriedade do seu pagamento)

- Os documentos acreditativos dos gastos realizados con medios ou recursos propios e a indicación, se é o caso, dos criterios de repartición dos custos xerais e/ou indirectos incorporados na relación a que se fai referencia na relación á que se fai referencia no 1º parágrafo.

- Unha relación na que se identificará os apelidos e nome das persoas respecto das que se imputan ao presente convenio gastos de desprazamento derivados de acudir aos servizos que presta a entidade, e na que constarán os días en que se fixeron os desprazamentos obxecto da xustificación.



- Especificación das desviacións producidas sobre as cantidades inicialmente orzamentadas.
- Unha relación detallada doutros ingresos ou subvencións que financiasen a actividade subvencionada obxecto deste convenio, con indicación do importe e a súa procedencia, xa sexa de entes públicos ou privados.
- Os 3 orzamentos que deba ter solicitado o beneficiario, en aplicación do artigo 29.3 da Lei 9/2007, do 13 de xuño, no suposto de gastos de importe superior a 15.000 € pola prestación de servizos de consultoría ou asistencia técnica.
- Se for o caso, a carta de pagamento de reintegro no suposto de remanentes non aplicados así como dos xuros derivados destes.

c) Declaración de que non solicitaron nin percibiron outras axudas ou subvencións.

Asemade, xunto coa conta xustificativa deberase de achegar novamente unha declaración responsable do cumprimento das súas obrigas tributarias e coa Seguridade Social e de non ter pendente de pagamento algunha débeda coa Administración Pública da Comunidade Autónoma de Galicia ou de ser debedor por resolución de procedemento de reintegro, segundo o disposto no artigo 11 do Decreto 11/2009, do 8 de xaneiro.

En todo caso o prazo para a presentación da conta xustificativa da subvención deste convenio rematará o día 10 de decembro de 2018. Excepcionase desta previsión a presentación da documentación xustificativa do pagamento das nóminas, TC's da Seguridade Social e IRPF correspondentes ao cuarto trimestre, que poderá presentarse ata o día 31 de xaneiro de 2019.

Toda a documentación xustificativa deste convenio deberá ser asinada pola persoa con capacidade da FUNDACIÓN.

NOVENA.- Incumprimentos, reintegros e sancións

Producirase a perda do dereito ao cobro total ou parcial da axuda no suposto de falta de xustificación do cumprimento do convenio, dos deberes contidos nestas cláusulas, dos deberes contidos no artigo 33 da Lei 9/2007, do 13 de xuño ou na demais normativa aplicable, o que dará lugar á obriga de devolver total ou parcialmente a axuda percibida, así como os intereses de demora correspondentes.

O procedemento para declarar a orixe da perda do dereito de cobramento da axuda e para facer efectiva a devolución a que se refire o punto anterior será o establecido no Título II da Lei 9/2007, do 13 de xuño.

Incumprimento parcial.- sempre que non se cumpran os requisitos ou condicións esenciais reflectidos no convenio, a Dirección Xeral de Maiores e Persoas con Discapacidade poderá apreciar un incumprimento e deberá resolver sobre o seu alcance, aplicando a mesma ponderación que tivera a condición incumplida no convenio e, se é o caso, establecendo o deber de reintegro.

Cando se trate de condicións referentes á contía ou conceptos do obxecto subvencionable, o alcance do incumprimento determinarase proporcionalmente ao gasto deixado de practicar ou aplicado a conceptos distintos dos considerados



XUNTA DE GALICIA

CONSELLERÍA DE POLÍTICA
SOCIAL

subvencionables e, se é o caso, deberán reintegrarse as cantidades percibidas en dita proporción. Con carácter xeral, se o incumprimento superara o 65% da axuda subvencionable do obxecto do convenio, entenderase que dito incumprimento é total, e deberán reintegrarse todas as cantidades percibidas e o seus intereses de demora.

Á entidade beneficiaria da subvención regulada nestas bases seralle de aplicación o réxime de infraccións e sancións previstas no Título IV da Lei 9/2007, do 13 de xuño e no Título VI do seu regulamento.

DÉCIMA.- Inexistencia de relación laboral

A FUNDACIÓN queda facultada para designar o persoal necesario para realizar as actividades propostas. A subscrición do presente convenio non leva consigo relación laboral nin contractual algunha entre a Consellería de Política Social e as persoas que realicen as actividades obxecto del, de tal xeito que non se lle poderá esixir ningunha responsabilidade, nin directa nin subsidiaria, polos actos ou feitos acaecidos no desenvolvemento del.

A FUNDACIÓN asume a responsabilidade respecto do persoal que asume as obrigas de levar a cabo as actividades establecidas no convenio, así como aquelas derivadas das relacións contractuais, reservándose as dúas partes contratantes deste convenio o dereito ao exercicio das accións pertinentes tanto resolutorias como indemnizatorias no suposto de paralización dalgunha actividade.

DÉCIMO PRIMEIRA: Subcontratación

A FUNDACIÓN é a beneficiaria directa da subvención obxecto deste convenio, asumindo a total responsabilidade da execución da actividade subvencionada fronte á administración. Non obstante, autorízase a subcontratación da execución total ou parcial de actividades, ata unha porcentaxe do 70 por cento do importe total das actuacións financiadas a través deste convenio, con empresas dedicadas especificamente á promoción e inserción laboral de persoas con discapacidade ou en situación de exclusión social, sempre que estas empresas estean participadas maioritariamente polas entidades de iniciativa social definidas no artigo 30 da Lei 13/2008, do 3 de decembro, de servizos sociais de Galicia así como con entidades vinculadas á FUNDACIÓN, xustificando que a dita subcontratación se realiza consonte as condicións normais de mercado.

A FUNDACIÓN comunicará, no seu caso, a subcontratación á Dirección Xeral de Maiores e Persoas con Discapacidade da Consellería de Política Social. A estes efectos será de aplicación o establecido no artigo 29 da Lei 38/2003, do 17 de novembro, xeral de subvencións e 27 da Lei 9/2007, do 13 de xuño, de subvencións de Galicia.

DÉCIMO SEGUNDA.- Comisión de seguimento e control

Para o seguimento e coordinación das accións previstas no presente convenio crearase unha comisión mixta e paritaria na que estarán representados cada un dos



[Handwritten signature]





órganos e entidades afectados polo mesmo. Esta comisión, que se reunirá por petición de calquera das partes, será o mecanismo de actuación conxunta para o seguimento e avaliación das actuacións estipuladas no presente convenio, e estará formada por dous representantes da Consellería de Política Social e dous representantes da FUNDACIÓN. A dita comisión será presidida por un dos representantes da administración.

Non obstante, todas aquelas cuestións que se susciten en relación co outorgamento, cumprimento, xustificación e pagamento, así como o reintegro e determinación das posibles responsabilidades relativa á subvención concedida, serán resoltas pola Dirección Xeral de Maiores e Persoas con Discapacidade.

Como órgano colexiado a comisión someterase ao réxime establecido na mencionada Lei 40/2015 e na Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

DÉCIMO TERCEIRA.- Vixencia

O presente convenio entrará en vigor o día da súa sinatura e terá vixencia ata o 31 de decembro de 2018.

Non obstante, financiaranse os gastos realizados dende o 1 de xaneiro do presente exercicio, sempre e cando amparen actuacións encamiñadas a asegurar o correcto cumprimento dos acordos acadados.

DÉCIMO CUARTA.- Transparencia e bo goberno

De conformidade co disposto no artigos 17 da Lei 1/2016, do 18 de xaneiro e no decreto 126/2016, do 20 de xullo; co establecido nos artigos 15 e 16 da Lei 9/2007, de 13 de xuño e o decreto 132/2006, do 27 de xullo e co disposto nos artigos 18 e 20 da Lei 38/2003, de 17 de novembro e coa autorización expresa das entidades beneficiarias, a Consellería de Política Social remitirá os datos necesarios para a súa inclusión e publicidade nos rexistros públicos de axudas. Así mesmo comunicará na súa páxina web oficial os seguintes datos básicos: identificación das partes, importe do financiamento, data da sinatura, finalidade e período de vixencia.

As partes asinantes autorizan a publicidade dos seus datos persoais e demais especificacións recollidas no presente convenio no Portal de Transparencia e Goberno Aberto.

Este convenio será obxecto de inscrición en cumprimento do establecido no Decreto 126/2006, do 20 de xullo, polo que se regula o Rexistro de Convenios da Xunta de Galicia.

De conformidade coa Lei 38/2003, do 17 de novembro o instrumento de colaboración e a información sobre a subvención serán comunicados á Base de Datos Nacional de Subvencións (BDNS).



DÉCIMO QUINTA.- Protección de datos

As partes asinantes deste convenio garantirán a confidencialidade dos datos persoais aos que teñan acceso como consecuencia das actuacións realizadas en execución deste e de conformidade co disposto na Lei orgánica 15/1999, do 13 de decembro, de protección de datos de carácter persoal, e no Regulamento (UE) 2016/679 xeral de Protección de datos.

A referencia a publicidade, en cumprimento da normativa de transparencia e subvencións, axustarase a dita normativa e coas limitación que esta establece.

Os datos persoais recadados neste procedemento serán tratados na súa condición de responsable pola Fundación. Esta será responsable dos datos persoais recollidos, do seu tratamento e dos consentimentos das persoas interesadas que sexan necesarios no marco das súas actividades de conformidade co Regulamento (UE) 2016/679 xeral de Protección de datos e demais normas aplicables.

DÉCIMO SEXTA: Réxime xurídico

O presente convenio terá carácter administrativo rexéndose nos seus efectos polo establecido nas súas cláusulas, polo disposto na Lei 38/2003, do 17 de novembro, xeral de subvencións, e no Real decreto 887/2006, do 21 de xullo, polo que se aproba o seu Regulamento; na Lei 9/2007, do 13 de xuño, de subvencións de Galicia e no Decreto 11/2009, do 8 de xaneiro. No seu defecto, para resolver as lagoas e dúbidas que puideran presentarse, rexerase polo establecido na Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 214/23/UE e 2014/24/UE, do 26 de febreiro do 2014, así como pola Lei 39/2015, do 1 de outubro do Procedemento Administrativo Común e a Lei 40/2015, de 1 de outubro, de Réxime Xurídico do Sector Público

A subscrición deste convenio debe mellorar a eficiencia da xestión pública, facilitar a utilización conxunta de medios e servizos públicos, contribuír a realización de actividades de utilidade pública e cumprir coa lexislación de estabilidade orzamentaria e sostenibilidade financeira.

As cuestións litixiosas xurdidas acerca da interpretación, modificación e resolución serán resoltas pola Consellería de Política Social poñendo os seus acordos fin á vía administrativa. Contra elas cabe recurso potestativo de reposición ante o mesmo órgano que ditou a resolución, segundo o previsto no artigo 124 da Lei 39/2015, do 1 de outubro, do Procedemento Administrativo Común das Administracións Públicas, no prazo dun mes se a resolución fose expresa. Se o acto non fora expreso, poderá interpor recurso de reposición en calquera momento a partir do día seguinte a aquel en que se produza o acto presunto, ou poderá interpoñer directamente recurso contencioso - administrativo, no prazo de dous meses contados desde o día seguinte á notificación do acto que poña fin á vía administrativa, se este fose expreso. Se non o fora, o prazo será de seis meses e contarase, para o solicitante e outros posibles



XUNTA DE GALICIA
CONSELLERÍA DE POLÍTICA
SOCIAL

interesados, a partir do día seguinte a aquel en que, de acordo coa súa normativa específica, se produza o acto presunto, de conformidade co disposto na Lei 29/1998, do 13 de xullo, reguladora da xurisdición contencioso - administrativa.

Para tales efectos o tribunal competente será o Tribunal Superior de Xustiza de Galicia.

E en sinal de conformidade coas estipulacións do presente convenio, o asinan ambos os dous comparecentes en triplicado exemplar no lugar e data expresado.

A CONSELLEIRA DE POLÍTICA SOCIAL

Fabiola García Martínez

O PRESIDENTE DA FUNDACIÓN
ESPAÑOLA DE AXUDA Á
INVESTIGACIÓN EN PÁRKINSON

Fundación Española de Ayuda a la
Investigación en Párkinson
POLÍGONO RÍO DO POZO
AVENIDA DOS FERREIROS 5-7
15573 - NARÓN - LA CORUÑA
G-56031859

Alberto Amil Lago



ANEXO

Alberto Amil Lago, presidente da Fundación Española de axuda á investigación no Párkinson

AUTORIZA ao órgano concedente a consulta dos seguintes datos.

De non autorizar a consulta deberá achegar o documento correspondente

	CONSENTIMENTO	
Certificado de estar ao corrente no cumprimento das súas obrigas tributarias	☒ SI	NON
Certificado de estar ao corrente no cumprimento das súas obrigas fronte á Seguridade Social	☒ SI	NON
Certificado de non ter pendente de pagamento ningunha outra débeda coa Administración pública da Comunidade Autónoma de Galicia	☒ SI	NON

curamos el
párkinson
Fundación Española de Ayuda a la
Investigación en Párkinson
POLÍGONO RÍO DO POZO
AVENIDA DOS FERREIROS 5-7
15573 - NARÓN - LA CORUÑA
G-56031859

